

Ci kɔ ZAKKI a ba

Ci kɔ Zakki a ba bi

gasɔɔre

Zakki bi, Yeezuu danzaa m, n y'a gingare n ɔ, a ɪ ci bi ba. A bir a le bore a miɲɲa ɔ danyɪbaa naa do k'an ta m kan Yeezuu ki bi no ɔ y. Zakki nyɪnta gɔaa wɪsɪ, a ɪ nyɪnta Zerizalem kristagɔɔɔ wɔɔ leezaa.

Ci bi ba a ɔ, wosogɔɔɔ kɔ η nɪ lee haay ɔ rɔ wɔɔ ma, bi ci bi no ɔ a y'a hire a ɔ, a ba a ɔ, Israyel do buerehiyɔɔ wɔɔ ma. Kristagɔɔɔ sokoma bi makra a ba broɔ ma. Ci bi ba a ɔ, k'a minno y'a hɔnhɔ dɪnda kristagɔɔɔ wɔɔ m, an nɪ sore η la, k'a η dɔndɔ kɔ η n'a mɪsɪrbaa bi ba k'an a ga kɔ ɔ kan sɪrakare bi ki. Bala, kɔ sɪrakare n zu kɔ ɔ kan zibæro ki, hɔ vam m.

Minno wɔɔ ba n nɪ: fɪryɪre kan tontɔɔre ki, mindɔre kan yaadare ki, hɔntazanno kan ηɔazanno ki, makrarɔ kan letaamarɔ bɔnyaarɔ ki, Woso lemim kan a zuure ki.

Zakki ɪ yaa dam Woso dogɔɔɔ m jilli

¹ Mɔɔ miɲɲa Zakki, Woso kan Zuuba Yeezuu Krista ki zibænyɪ m mɔɔ m. Yaa mɔɔ n'a dam Woso dogɔɔɔ kɔ η y'a kærgu lee haay ra durnya no ɔ rɔ wɔɔ m.

Fɪryɪre kan mindɔre ki mim

II M danyinɔ, k'awɔɔ ɪ fir do haay yim k'a a heer nyɔɔ, III bala, awɔɔ dɔ a ɔ, firyire bi nɔ ɔ, k'awɔɔ jim kɔɔkɔɔ sarakare nɔ ɔ, awɔɔ bɔraama yim. IV Bi, pakra m, k'awɔɔ bɔraama bi n a hinka fasti, k'awɔɔ n yi minja fasti, hɔsi bi jira a ma y.

V Bi, kɔ gɔaa y'awɔɔ barla mindɔre n jira ma, k'an a ye Woso han, a y'a kan ɔ, bala, Woso ɪ hɔ kam gɔaa haay ɔ an le da a zaa n'a yem bi ra, b'a bir meer bam ma y. VI A n ta ɔ bi, pakra m, k'a zaa n a ye sarakare nɔ ɔ, a bi sɪnsɪm ka y. Bala, gɔaa k'a ni sɪnsɪm kam bi bɔ kɔ ɔ, kan higɔta kurɔ ki, hɪnhɪr n'a yɔnɔnɔm jisa kan bisɪ ki. VII Gɔaa naa do lɔɔ n a ga m an a gɪnga a ɔ, a hɔ yim Zuuba zi y. VIII Bala, hɔɔn hɪya-hɪya zaa m, a heer n sira ka kan hɔsi bare ki y.

Nɔazaa kan hɔntazaa ki mim

IX Kristagɔaa k'an nɔazaa bi n a heer nyɔɔ, bala, Woso a busu. X Kɔ kristagɔaa kɔ hɔntazaa m bi, n a heer nyɔɔ sɔ, bala, Woso a ka an zer. Sira nɔ ɔ, hɔntazaa cenim amba burvu tir sur bi m. XI Bala, kɔ woso haan, b'a gu kan panja ki an na bur bi ma, bur bi n ga, a vu bi n sur, a gɔere k'an ta ɔ bi n nyaam. Yi a nawɔre ncɪnaaɔ, hɔntazaa n cem zɔɔ-zɔɔ a zibɔero dɔmum ɔ.

Hɔ k'a ni zem makra m

XII Mimbirenyuntazaa m gɔaa k'a ni junum kɔɔkɔɔ makra nɔ ɔ bi m. Bala, k'a wɔ makra b'ɔ an bɔ ɔ, a mɪsɪrbaa k'a nyare ba ɔ bi yim, ganwɔre kɔ Woso a ler bɔ k'a ka gɔɔɔ kɔ η n'a ηɔam nɔ wɔɔ ɔ bi n bi. XIII Kɔ gɔaa ɪ makra leɛ, a b'a hi, a ɔ: «Woso ni mɔɔ makra bare y.» Bala, mimbɔnyaa b'a dam ma an Woso makra

ba y, bi Woso miŋŋa bir gɔsi makra bam k'an mimbonyaa ba y. ^{XIV} Bi, gɔaa letaama bonyaa i tir a zaa gaa an wo o an a da makra o, k'an mimbonyaa ba. ^{XV} Ku letaama bonyaa bi paŋŋa yi a zaa zi, b'a a ka a zaa n mimbonyaa ba. Ku mimbonyaa bi ba an nya, b'a zaa ga.

^{XVI} M danyɔno ŋɔare no o, a b'a nyɔnnyoo y. ^{XVII} Ho miŋŋa haay ku woo n'a yim, ganwoɛ k'an miŋŋa fasti haay, a to a nawom Woso zi, brama, a i lɛɛgurehoo ku ŋ ni brama ro woo da. A miŋŋa bir a lorm fugaa y, bi monsigə ba zi y. ^{XVIII} A miŋŋa i hoon bo o a zim, an musirbaa ka woo o a lemim k'an sira bi m. A ba a o ncinaas ku woo n yi lɛɛkarezanno hoo daaro k'a ni ŋ dam no woo barla.

U zi ba ho ku woo n'a mam bi m

^{XIX} M danyɔno ŋɔarerɔ, k'a to da a no o, a o, gɔaa biyəə a ga m an bir a tor kam miŋŋa, b'a bi nyagira ba k'a meer ba, a bi nyagira ba so k'a nomaa ba y. ^{XX} Bala, nomaa ku gɔaa n'a bam bi bɛɛ n'a kam an ho k'an turga Woso mɔm o bi ba y. ^{XXI} Naa to ma bi, k'a ho k'an bonyaa a heer o haay to, a a go mimbonyaa haay ma.

^{XXII} A bi ŋɔaar ba a miŋŋoo m a o, a y'a tor kam Woso lemim bi ma y, k'a sa a zi bam paan.... ^{XXIII} Bala, gɔaa k'a n'a tor kam lemim bi ma b'a bir zi bam ni bi, bo a o ku o, kan gɔaa k'a ni dɔgare a meer ma jɛtɔga o ki, ^{XXIV} dɔga k'a o a ma an a hur bi, a meer bi k'an lonlo bi, an bi to bo a no o lɛɛm. ^{XXV} Bi, gɔaa k'a ni Woso lɛ bi k'an miŋŋa fasti bi karɔnda bam k'a zu o bi, a kɔsi a nawom ma taalera no o, a bir a tor kam ma bala k'a b'a to bo a no o y, bi, zi an n'a bam

ni, Woso bi zaa bi barka danɗo, a zibəə haay no ɔ.

XXVI Kɔ gɔaa ɔ, zu a nawom Woso ɔ b'a bir bɔrle a neem ma kan meerbaarɔ bɔnyaarɔ ki, bra an n'a bare a miɗɗa m, wosozuure bee m bi y. **XXVII** Wosozuure k'an miɗɗa, dintim ba ma Zi Woso mum ɔ bi ba n ni: Ɔ nyasɔ sunno m, kan zonno kɔ η ni fir yim no ki m, ɔ dundo ɔ zi kɔ durnya hoɔ bɔnyaarɔ b'ɔ da mimbɔnyaa bare ma y.

II

Ɔ bi gɔɔɔ jirə bo y

I M danyino, wɔɔ Zuuba Yeezuu Krista n ni leboore m gɔta, awɔɔ n sira ka ɔ. Naa to ma bi, a n a ga m k'awɔɔ n gɔɔɔ jirə bo y. **II** Ɔ makra sa, a a da ma, gɔɔɔ huɣɔɔ n bi gasɔ awɔɔ sokuma no ɔ, deem n huu miɗɗa du a ma an sarma tolleɗɗarɔ dɔnda a nyokɔnno ma, deem n bir ηɔzaa an huu yaarsiro du a ma. **III** K'awɔɔ gɔaa k'a huu wɔsɔro du a ma bi nyaasi ka miɗɗa, a bokare a hi m a ɔ: «Ibi, bɔr i nyinta bince miɗɗa naa do ɔ», a bokare a hi ηɔzaa bi m, a ɔ: «Ibi, jum brama» gee, a hi m, a ɔ: «Bɔr i nyinta tara ɔ naa ɔ, moɔ gam taa». **IV** K'awɔɔ ba ncɔnaaɔ, jirə bee awɔɔ bo a barla ra? Bi, naa k'awɔɔ n'a bam naa, a ba bee awɔɔ ɔ dɔdɔkɛnno hoondare bɔnyaarɔ m na?

V M danyino ηɔare no ɔ, k'a tor ka miɗɗa! Woso gɔɔɔ kɔ ηɔzanno m durnya naa do ɔ ro wɔɔ bo ɔ, kɔ η ni hɔnta paan... kɔ sirakare m bi yi, kɔ η ni Woso cirbəə bi yi, Woso i cirbəə bi do ler bo gɔɔɔ kɔ η n'a ηɔam no wɔɔ m.

^{VI} B'awɔɔ, awɔɔ ɪ ɲɔazanno gore boŋ ɔ. A n bɔkare, hɔntazanno wɔɔ nɪ fir kare awɔɔ ma, ɲn'ɪ tare awɔɔ m dɔdɔkɛnno taa. ^{VII} Ɲ mɪɲɲɔɔ nɪ tɔ mɪɲɲa kɔ Woso a ka awɔɔ ma bɪ sɔnsɔ wɔm.

^{VIII} N y'a da Wosoci b'ɔ, n ɔ: «ɪ ɪ mim ɲɔa amba ɪ mɪɲɲa m», Woso cirbæθ bɪ mɪsɪrbaa zaa n naa do. K'awɔɔ ɪ zuɲ ɔ, awɔɔ y'a bam mɪɲɲa. ^{IX} Bɪ, k'awɔɔ ɪ gɔɔɔ jirə bɔrɛ, mimbonyaa awɔɔ n'a bam bɪ, b'awɔɔ ɪ kɔrɔma nɔ ɔ, bala awɔɔ n zu Woso ɛ b'ɔ y. ^X Bala, kɔ gɔaa ɪ zum lɛrɔ wɔɔ ɔ haay, k'a bɪ bɔ deem la m, bɔ a ɔ ɲ haay la m. ^{XI} Bala, Woso y'a hɪ, a ɔ: «ɪ bɪ jaan da y,» a a ya an a hɪ sɔ, a ɔ: «ɪ bɪ gɔaa meeyaa bɔ ɔ y.» Bɪ kɔ gɔaa n jaan da y, an bɔkare an gər zɛ, bɪsɪ a a ka lɛrɔ wɔɔ ma. ^{XII} Kɔ meer awɔɔ n'a bam, kɔ zi awɔɔ n'a bam, k'a dɔ a ɔ, ɛ k'a nɪ soamɲɲaɔ kam bɪ, Woso n nɪ zem b'a sa an awɔɔ dɔdɔ ka m. ^{XIII} Bala, gɔaa k'a n a mim cicir zɛ bɪ, Woso b'a cicir zem dɔdɔkare nɔ ɔ y, bɪ kɔ gɔaa y'a muno cicir zem, a bɪ nyi bam dɔdɔkare nɪ y.

Sɪrakare paan... mim

^{XIV} M danyɪnɔ, kɔ gɔaa ɔ, a sɪra ka Woso ɔ, an bɔkare a bɪr sɪrakare zibæθɔ sɪ bare y, sɪrakare k'a ɔ, a ta m bɪ y'a dam ma an a bɔmbɔ ra? ^{XV} A a da ma kristagɔaa n ta ɔ yar gɛɛ lɔ, ɲ b'a huuro m k'a du a ma, bɪ ɲ ba hɔsɪ m k'a bɪ y. ^{XVI} K'awɔɔ gɔaa deem a hɪ ɲ nɪ, a ɔ: «K'a doo laafɪ, a huu du a ma, k'a hɔ bɪ mɪɲɲa.» B'awɔɔ n hɔ k'a jira ɲ ma bɪ ka ɲ ɔ y, meerbaa naa do nyɔɔdɔ ta ɔ ra? ^{XVII} Ncɪnaaɔ sɔ bɪ, sɪrakare k'a bɪr zi bam bɪ, hɔgər m fasɪ.

XVIII A a da ma gɔaa n a hɪ, a ɔ, ɪbɪ ɪ sɪrakare m, mɔɔ nɪ zibæero m. Mɔɔ y'a hɪre a zaa m, m ɔ, ɪ sɪrakare bɪ hɪnka m m, zibæbare war nɔ ɔ, kɔ m m zibæero wɔɔ bare hɪnka a ɪ m, k'ɪ dɔ ɪ ɔ, mɔɔ ɪ sɪrakare m. **XIX** ɪbɪ sɪra ka ɪ ɔ, Woso deem taan... n ta ɔ, ɪ y'a bam mɪŋa, bɪ, zinæro naa dɔ sɔ, ŋn'ɪ nyi bam. **XX** Yarman ra, a dɔ ɪ ɔ, sɪrakare k'a bɪr zi bam bɪ vam. **XXI** Wɔɔ yaaba Abraham bɪ, a zibæero tɔ ma bæe y'a ka Woso n a ba tɪrga ra, k'a ye k'a manni ba a nyi Izakki m bɪ bæe ra? **XXII** ɪbɪ dɔ kɛere ɪ ɔ, Abraham sɪrakare bɪ, zu a ɔ kɔ ɔ kan a zibæero kɪ, a zibæero wɔɔ y'a ka a sɪrakare bɪ n yɪ paan.... **XXIII** Ncɪnaaɔ m, hɔ kɔ Wosoci b'a hɪ bɪ n kɔ yɪ, a a hɪ, a ɔ: «Abraham sɪra ka Woso ɔ, am naa, Woso n dɪga a gɔaa tɪrga.» Woso n a bir a gɔaastɪba sɔ. **XXIV** Awɔɔ dɔ kɛere a ɔ, Woso bɪ, gɔaa ba a nawom tɪrga a zibæero tɔ ma, a sɪrakare y'a deem tɔ ma bæe y.

XXV Yɪ a ɔ ncɪnaaɔ sɔ kan lɔmɪŋaheerezaa Rahab kɪ, a zibæero y'a ka Woso n tɪrgabaa ka ɔ, Israyel dundolɛezizannɔ k'a ŋ si a har ɔ, an zaa vanta hɪnka ŋ nɪ ŋn'a sa ŋn'a hɪr bɪ tɔ ma m. **XXVI** Denter m, amba gɔaa nyi nɪ bɔre a mɛ ɔ, a zaa nɪ gam bɪ, sɪrakare k'a n zu kɔ ɔ kan zibæero kɪ bɪ, hɔ gər m sɔ.

III

Gɔaa nɛɛm zibæo mim

I M danyɪnɔ, a b'a ka ma k'a yɪ hɔdɪndagɔɔɔnzannɔ woo... y. Awɔɔ dɔ a ɔ, wɔɔ kɔ ɔ nɪ hɔ dɪndam gɔɔɔ m nɔ wɔɔ, n wɔɔ dɔdɔ kam kɔstɪ an lɛ da. **II** Bala, wɔɔ haay, wɔɔ ɪ kɔrɔm ma. Gɔaa k'a bɪr kɔrɔm ma a meerbaa

no o bi, gɔaa turga m fasi, a a da ma an bor a muɲɲa ma jilli. ^{III} Ku wɔɔ tir sarbir da sisiro le o ku η ni zu wɔɔ o bi, wɔɔ y'ɔ so η me b'ɔ jilli so ηn'i wɔɔ hoɔnhɔ bam. ^{IV} K'a dɪga kɔɔlɔɔ gɔtɔɔ wɔɔ ma sɔ, ku η bi to ηni gɔta maam-maam, hɪnher gɔtɔɔ ni η nyɔɔtam bi, η ho poore n ta o, an a ka ηn'i tam lee haay k'a brarezaa bi le n taa b'ɔ. ^V A maam sɔ kan gɔaa neem ki, vɔhɲɔ poore m gɔaa me o, an bɔkare an n'a muɲɲa busum hoɔ gɔtɔɔ bare mim no o. Awɔɔ do a o, se poore a da ma, an poo gɔta bi.

^{VI} Gɔaa neem bi do m bi, se m sɔ, an ta ho bɔnyaa haay m, wɔɔ me b'an ta o, an ni dintim kam wɔɔ mɪsɪrbaa ma jilli, an ni se dam wɔɔ ma haay, sehar se y'a so a muɲɲa o. ^{VII} Gɔɔɔ a da ma, ηn'i ho mɪsɪr haay tontɔre, poohɔɔ kan benno ki, ho mɪsɪrɔ kɔ η n'a gaatam kan zɔno ki, η wɔ η o denter. ^{VIII} Bi gɔsɔ b'a dam ma an neem tonto y. Ho bɔnyaa m, an ni lee sam, gɔɔɔ meeyaa bɔure nyɪsɔ y'a han. ^{IX} U neem wɔɔ sa, o n'ɔ le bɔm Zuuba o, o Zi b'ɔ, o n'a sam sɔ, o ni le kɔsɔ dam gɔɔɔ n'ɔ, an bɔkare Woso yi η da ηni bɔ a muɲɲa re. ^X M danyɪno, a n a ga m ku wɔɔ le deem-deem bi n bir ler muɲɲa bɔm, an bir a bɔnyaa bɔm sɔ y. ^{XI} Hiyəə ba o, an ni bɔm hi nyɪnta m kan hi kɔsɔ ki ni y. ^{XII} Soɔn b'a dam ma an togo nyɪ da y, gee dɪven go n soɔn nyɪ da y. Yehiyəə b'a dam ma, an bɔ hi nyɪnta ni y.

Mindɔre k'a a to Woso zi

^{XIII} Gɔaa y'awɔɔ barla an mim do ra? K'an a hɪnka mɪsɪrbaa turga no o, buraama zibəə no o. ^{XIV} Bi, ku jumbaa kan heer kɔsɔ ki, leezaabaa

kama ki y'awoo heer han, a b'a le bo a muhoo u y, b'a bi sira gore bo u a nsaarlɔ nu y. ^{XV} Bala, mindɔre naa do n a to Woso zi y, durnya ho m, a to a u guoo zi, bo a u Sutaana zi. ^{XVI} Sira no u, lee ku jumbaa n ta u, guoo n'a hoon dare a muhoo ma con bi, lee bi do u bi, ho haay woo... yim bɔrga, ziro bɔnyaarɔ n nyunta u so. ^{XVII} Bi, mindɔre k'a a to Woso zi bi y'a ho, a muhoo, laafu kama m, a bɔgu-bɔgu, kumare kama m, cicirzere m gɔta, zi muhoo bare m gɔta, jumbaa b'a no u, bi zambɔ b'a no u so y. ^{XVIII} Guoo ku η n'a kam ma ku laafu n bir ta u ro woo, tɔrgabaa mɔsɔrbaa bi ba η nawum laafu kama no u, a nyooɔ bi, tɔrgabaa mɔsɔrbaa ηn'a yim.

IV

U bi durnya ho nsa y

^I A a ba lo awoo bir ku mare, an nu nyaa bam kan ku tee...? K'awoo letaamarɔ bɔnyaarɔ nu zoo bam awoo heerlo woo u bi to ma m. ^{II} Awoo le taa hoo niηoo ma, b'awoo bir η yire y, bi to ma bi, awoo y'a kam ma k'a gɔr ze, awoo u jum bam bi hoɔ bi bir koyire awoo nu y, bi n a ka awoo nu zoo bam an nu nyaa bam kan ku ki. Awoo bir hoɔ yem Woso han y, bi y'a ka awoo ba ho k'awoo le n taa bi nu y. ^{III} Awoo y'a yem b'awoo bir a yire y, k'awoo bir a yem han muhoo bi to ma, bala, a ye awoo nawum k'a sa, a a hoonho ba m. ^{IV} Taalerazanno bee n'awoo nu y! Awoo n a do a u, k'i u durnya je u, Woso jum n'i mi ra? Gɔaa k'a le n taa durnya ma bi, a ba a nawum Woso jum. ^V A hoon awoo n'a dare a u, ho ku Wosoci b'a

hi bi vam m na? A a hi a u, Woso i jum bam k'a a Espri ka woo u, an ni kan woo ki bi to ma. ^{VI} Bi, a y'a barka kam woo u gota, bi to ma m Wosoci bi n a hi a u, Woso y'a gum miɲɲabusurezanno ma, b'a i barka kam miɲɲazerlezanno u. ^{VII} Naa to ma bi, k'a miɲɲoo zer a ye Woso ma. K'a a gu Sutaana ma, a y'a sire an a gu awoo ma laatu. ^{VIII} K'a zo Woso ma, a y'a zore awoo ma so. Awoo k'an koromazanno, k'a zi bonyaa bare to! K'a heer hu bo hoon huya-huya zanno ra! ^{IX} K'a heer zaar ba a koromaro woo to ma! K'a ze heerzar ba a nyi ka! K'a yaawore to a nyi ka, k'a a heernyoo bi to, a a heer zar! ^X K'a a miɲɲoo zer Zuuba taa, k'an awoo busu.

U b'u muno dodo ka y

^{XI} M danyino, a ba bonyaa hi ku ma y. Gaa k'an a bonyaa hire a mim ma, gee an a dodo kare, a bonyaa an n'a hum Woso le ma, an ni Woso le bi dodo kam. Bi, k'ibu i Woso le bi dodo kam, i ba i u, a dodoke, a zuurezaa bee n'i mi do y. ^{XII} A n bokare, Woso y'a deem taan... ni le bi kam, a y'a deem taan... m dodoke so. A n n'a dam ma an guoo bombu, an n'a dam ma an η zaar ba so. Nka n'ibu m, i n'i mim dodo kare?

A bi yi miɲɲabusurezanno y

^{XIII} K'a tor ka moo ma keere, awoo k'a n'a hire a u: «Her, gee booti m, woo tam ku na u gee ku na u, u gota b'u doora deem, u ter ba u busoo yi,» ^{XIV} awoo n a do k'awoo mɪsɪrbaa bi yim lo booti ni y, bala, awoo bo ku u kan sebtur ki, k'a bo b'a nyaam leem. ^{XV} A ga awoo u m, a hi a u: «Ku Zuuba ye, woo mɪsɪrbaa bare, u na ba

kan na ki.» XVI A n bokare a le awoo n'a bore a miyoo o a dindare no o. Leboos naa do loo bonyaa. XVII Gaaa k'a ho k'a ga bare m do, b'a n a ba y, a zaa mimbonyaa ba.

V

A yim kookoo hontazanno ma

I Hontazanno woo, k'a tor ka moo ma, k'a nyi ka a baa da, bala, awoo fir yim guta. II Awoo honta bi, ho vøm m, bee y'awoo huuro bum so. III Tankampiisi y'awoo sarma kan awoo busoo ki zaar bam, η zaarbare bi ni nyintam kaseti an awoo bi, am se ho bi m. Awoo honta gor a kuntø je domunno noom no o. IV Awoo n gwoo ku η zi ba awoo hõsrarø o ro woo yawora ba y, k'a a tor ka, η yi zee dam, bi, η zee bi dare lee ku Zuuba k'a pañña jirø ba o bi zi. V Awoo musirbaa nyinta yi tara burø o, a a hõonho yi, awoo ho bi guta a me ka am hobisiro m, bi awoo zinzere domum y'a kum. VI Awoo gaaa turga dudo yar, a meeyaa bo o, a n wo o an jim awoo lee y.

O bor o ma, Zuuba zem

VII M danyino, o bor o ma, ku Zuuba n tolle ba an bor. K'a makra sa danwur ma, bor a nawore a ma an ni dom mosa ma, k'a a tara zibøø ho yi, an ni dom leekare labarero, kan je labarero ki ma. VIII Awoo, k'a bor a ma so, a bir heer koodø m, bala, Zuuba wusigøre domum a zo.

IX M danyino, a bi kukur ba ku ma y, ku Woso b'a dudo ka y. K'a diga a, ba dudokør bi ni cele ma na. X M danyino, wosolesinnisorazanno ku η nyinta ηni meer ba Zuuba to ra ro woo, η fir yi,

bɪ ɲ bɔr a ma fir bɪ nɔ ɔ. K'a ɲ hɔbaa sa. ^{XI} K'a dɪga a, gɔɔɔ kɔ ɲ nɪ junum kɔɔkɔɔ fɪryɪrɛ nɔ ɔ rɔ wɔɔ, wɔɔ y'a hum wɔɔ ɔ, ɲ mimbirenyɪnta. Awɔɔ Zɔɔb k'a jum kɔɔkɔɔ fir nɔ ɔ bɪ mim ma, awɔɔ hɔ kɔ Zuuba a ba m fir bɪ yɪrɛ jɛ ɔ bɪ dɔ sɔ, bala, Zuuba ɪ gɔɔɔ cicir zɛm gɔta, an n'a mɪɲɲa bare ɲ nɪ.

^{XII} M danyɪnɔ, an lɛ da bɪ, a b'a wer si y, a b'a wer si brama tɔ nɪ, b'a ba si tara tɔ nɪ y, a b'a wer si fɪga y. K'awɔɔ yɛ mim ma, k'a ɔ ɪɪn... bala. K'awɔɔ n yɛ, k'a ɔ ayy.... A bɪ hɔsɪ na ma y, kɔ Woso b'awɔɔ dɔdɔ ka y.

Yaadare mim

^{XIII} Kɔ gɔaa y'awɔɔ barla an nɪ fir yɪm k'an yaa da. Kɔ gɔaa nɪ heernyɔɔ m, k'an laa lɔ an a lɛ bɔ Woso ɔ. ^{XIV} K'awɔɔ gɔaa deem bɪ laaftɪ, k'an kristagɔɔɔ lɛzanno wɔɔ bir, kɔ ɲ nɪ nyɔɔ nɔ ma Zuuba tɔ ra, ɲnɪ yaa da a tɔ ma. ^{XV} Kɔ ɲ yaa bɪ da kan sɪrakare kɪ, yaabazaa bɪ laaftɪ yɪm, Zuuba y'a waam, k'a mimbɔnyaarɔ ba sɔ, Zuuba sugur kan ɔ. ^{XVI} Naa tɔ ma bɪ, k'a mimbɔnyaarɔ bɔ a lɛ ma, a hɪ kɔ m, k'a yaa da kɔ tɔ ma, kɔ Woso n a waa. Gɔaa tɪrga yaadare ɪ zi bam kan panɲa gɔta kɪ. ^{XVII} Awɔɔ dɔ a ɔ, *Elii nyɪnta gɔaa am wɔɔ m, a yaa da Woso m ɲɔɪ..., kɔ la bɪ ba y, denter sɔ, la a gɔsɪ dɔɔraa kaakɔ kan a kur kɪ. ^{XVIII} A n a ya an yaa da, kɔ la bɪ n ba, Woso n a ka la bɪ n ba, hɔbɪrɛ n nyɪnta ɔ tara burɔ ɔ.

U ɔ da kɔ han Woso zuure nɔ ɔ

^{XIX} M danyɪnɔ, k'awɔɔ gɔaa deem nyaam, an Woso zaa k'an sɪra bɪ tɔ, kɔ gɔaa a ka an a ya an bɔr zaa bɪ ra, ^{XX} k'a dɔ a ɔ, gɔaa k'a ka

mimbonyaabər n a bɔ a mimbonyaabare zaa ɔ,
k'a zu Woso ɔ bɪ, a zaa bɪ meeyaa a a bɔmbɔ,
an a ka sɔ, baa k'a mimbonyaarɔ gɔta, Woso n ɲ
sugur ka ɔ haay.

Wosoci Gaaababaa Daa
Bisa: Wosoci Gaaababaa Daa New Testament

copyright © 2001 Wycliffe Bible Translators, Inc.

Language: Bissa

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

b9a8abe9-82bd-5507-a45a-13023081ebc2